







Warachtighe

Nieuwe tijdinge**van het gr oote Verraet dat**

daer gheweest is op Schencken Schans/
 ende noch van een Verrader die gelt ontfangē heeft
 om sijn Pr. Eric, te deursteken daer van den eenen
 in Schencke schans gejusticieert is / en den anderen
 heeft hem seluen in Grauen hage inde gevangē.

kennisse om den hals gebracht / En het prin-
 cipaelste beschept sal den beminden Le-
 ser hier in vinden.

(•••)

Deur valsche practijcken en loofse aenslaghen,
 Soomooten veel bloedighe craghen draghen.

**Tot Arnhem,**

By Willem Jansz. Boekdrucker / Woonende
inde Druckerie. 1604.

Cozte beschrijvinge vā de
se twee verraders als dē beminden Leser
hier navolgende wt verstaen sal.

KEnlick sp aen alle Christē broe-
ders en susters ende alle de gene
die slants welvaren beuinnen/
hoe dat het Paus dom noch niet
op en hout vā hare groote tyrannie/maer
soecken noch alle dagē het heyligh Euan-
gelij onder te drücken ende haer handen
int Christen bloet te wassen ghelijck als
nu cortelingh int openbaer gheromen is/
door een Duprineeerder oftē groene geus
genaemt/dewelcke van haren Leck wt-
gesonden was/ om in Brabant en Vlaen-
deren deit te reysen/en om aldaer te hoor-
ren wat men daer int Lant van haer luy-
al seide: Als hy nu daer int lant gecomen
is so is daer sulck een persoon by hem ge-
comen die hem alsulcx aengedient heeft/
om eene aenstach te maken ende so verre
die gheluckich voort ghingh/ souden sy
haer leef daghe genoech te verteren heb-
ben. En dese Soldaedit heeft hem schoo-
ne woorden gegeuen/ ende heeft hem die

A 3 sac

saecke afgebrach/ende soo heeft hy hem
daer alle saecken te kennen ghegheuen
hiet dat hy het fort vā Schenckē schans
aen des konincks zijde ouerleueren sou-
de/ende desen Murtineerder ofte groene
Geus die heeft hem schoon samblant ge-
toecht/ soo dat hy niet beter en wiste of
het was also/ als hy nu te samen quamē
in Hollandt/soo heeft desen Murtineer-
der eenen Brief gheschreuen na de Stadt
vande Graef/aen haren Leck ende heeft
hem die ghelegghentheit der saken te ken-
nen ghegheuen / daer op den Leck niet
langh' gheslāpen heeft/maet heeft Cito/
cito/haerlieden geweldige nae des Gra-
uen Haghe gesonden/om den voozsz.ver-
rader waer te nemen.

Als nu dese voozschreuen geweldige
in des Grauen Haghe gheromen is/so is
hy noch een verrader ghewāer ghewor-
den/maer niet dat hy dat seker wiste dat
het een verrader was : Maer nademael
dat hy in een Herberghe ghelogeert wa-
ren/ende dat hy alle daech soo veel Bre-
uen kreech/ dat hy daer aen begonde le-
twiiffelen soo ist op een morgenstondt
ghebeurt/dat desen persoon eens gheheel
vroech

vroech op gestaen was/so is desen voorsz.
gheweldighen oock op gestaen/ ende na
demael dat hy geen goet ooch op hem en
hadde soo heeft hy sijn Bagasie besocht/
en ettelicke Brieuen gelesen daer hy ter
font zijn verraderie aen merckte / ende
den voorszcreuen gheweldige is terfont
hy sijn Princelicke Excell. ghegaen/ ende
heeft dese saecken te kennen ghegheuen/
hoe dat daer eenen verrader was die sijn
Princelicke Excellentie eenen Brieff sou
de presenteren / ende als mijn Heer den
Brieff aen taste soo soude hy eenen Op
steker wt sijn Hou trecken ende u mijn
Heere soo deur steken / ende dit hebb' ick
seluer in sijn Brieuen ghelesen. Als die
sijne Princelicke Excellentie hoorde wert
hy gheheel ontsteldt / ende gheboodt da
telicken alle sijne Heeren van de Zale te
gaen/ want hy voor eenen oploop soch
de/ ende onder des is de verrader opt Hof
gekomen/soo heeft den voorsz. geweldige
hem datelick int gesicht gecregt en heet
verfont gesept mijn Heer dat is den per
font en de verschreuen geweldige is ter
font afghegaen ende heeft hem aenghe
sproken van waer dat hy was/ ofte wai

int Hoff te doen hadde/ doen heeft hy ge-
sept dat hy zijn Excell. moeste spreken
doe heeft de gheweldighe gheseyt come
vriendt gaet met my ick sal u by mijn
Heere brengen dus heeft de verschreuen
gheweldighe hem stillick bouen by zijn
Excell. ghebracht ende so hebben die ge-
weldighe Welhebende hem daetelick aen
ghetaut / ende hebben een mes van zijn
mou getrocken dat drie vierendeel lanck
was te weten met hecht ende leenen alle
heel dit heende heeft zijn Princelike Ex-
cellency hem Heerstelick ondervraecht
wat hy daer mede indt sin hadde doen
heeft hy opentlick bekent dat hy de self-
den dach sin Excellency deur seken sou-
de ende als nu zijn Excellency dit hoorde
heeft hy hem terstont wech doen brengen
ende deselfden dach is de Soldaet van
die Meuteneerders met noch een verra-
der inden Hatz gecomen/ die weleke ter-
stont oock aengerast wert en ghebancke-
lick genomen/ en hebben hem oock heer-
stelick ondervraecht: maer hy heeft niet
willen bekenen als nu dese twee verra-
ders twee daghen in aprenen gheseten
hadde/ zijn nu in Heeren de Saten weder
ont

om by een vergaert om het beichept van
de verraders beter te weten so hebben sy
die gheweldige gesonden om de ghevangens
te halen: te weten die twee verraders
daer van hy eenē doot inde gevangenis
ghavonden heeft te weten die zijn
Creel. Deur Steken soude/ dit siende heb-
ben mijn Heeren de Staten gheordineert
desen verrader buyten den Haeck aent
gherichte aen eenen pacl ofte stake vast
te makē met vier ijseren ketens/om dat
hem daer niemāt soude connē af nemen/
het welcke also gheschiet is ende den an-
deren verrader hebben sy doen pijnigen
de welcke sijn misdaet oock beleden heeft
hoe dat hy meende het fort van Schenck-
ken Schans in brant te steken/ aen drie
hoecken ende dan sou den bypandt haren
aenslach maecken aen de Cleesche syde/
ende hy dit soude volbracht hebben dan
soude hy Gouverneur van Schanse zijn/
als hy nu sijn belijdenisse aldus gedaen
heeft/hebbē mijn Heere de Staten geor-
dineert desen vrader genaect *Mons de Par-*
te brengen te Schenck Schans om daer
met dē sweerde vā iustici gerecht ter wet-
den datter den doot nae volcht/ende zijt

nr
lichaem in vier quartieren ghedeelt ende
dat aen vier halve galghen ghehangen/
op vier hoecken van de Schanse en zijn
Hooft op eenen staeck/ ghelijck als sulc-
ken verrader toebehoort/ en dit tot spie-
gel gedaen ofter meer mochtē wese die sulc-
kē in haer sin haddē dat sy hier eē grou-
wel mochten af crighen want sulcks des
verraders loon is aldus ghedaen in des
Grauen Haghe den derchienden dach
van April / Anno 1604. Ghy Christen
Broeders/ men can den Heer hier niet te
volste af louen en dancken die dit groote
verrader zijn Godlike Gracn deure een
Muptineerder / int openbaer ghebrachte
heeft/ hoe wel datmen seyt dat de Mup-
tineerders niet te betrouwe en zijn noch-
tans sietmen trou aen haer luy blijcken
ick hope dat God den Heer zijn segen sal
geuen ouer de Geunieerde Provincie dat
zijn Godlike vrede by ons bliuen sal en
des vpants loofse aenflagen/ daer sy alre-
met voort comen te niete brenghen/
de Godlike vrede sy met al-
le Christen herten
Amen.



